



# Alti Fasnächtler

## 1927

1. S'gehn immer allerhand Sache,  
Wo uns Vergniege mache —  
Wer kai Gspass meh ka verstoh,  
Soll uff d'Chrschone goh!
2. Mer lehn is nit länger raize:  
Fahr' jetz ab mit dym Käs und dym Waize!  
Fahr' ab, Ernehrigsvogt!  
Bisch lang gnuag uff em Mage'n uns g'hoggt!
3. D'Regierig het welle'n e Bundesfiir schmeisse:  
S'sig ehnder bleed gsi, het's iberall g'helisse,  
Und erst am andere Tag  
Kemme sie mit em Fyrwerk z'Schlag!
4. D'Bai teils z'lang, teils z'mastig —  
Die rairsti Negerplastik!  
Fir so'ne Sorte vo Kunst  
Bruucht's e'n extra perversi Brunst!
5. Die Helge'n im Buffet Zweiter  
Stimme'n alli Fremde heiter!  
Das soll e Kunststadt sy?  
Do fahre mir lieber vorby!
6. E rote Stab und e schwarze — —  
Ainstwyle tuet's no harze  
Mit em Gang zuem Standesamt,  
Wil kais gern yne tramt!
7. Im Binneschiffer-Vergniegigspark  
Do zieht s'Vergniege nit grad stark:  
S'kemme nit so viel Lyt, as me maint —  
Lueg nur, wie dä Kellner gaint!
8. E Lehrer het sich d'Freihait g'no,  
Im Schneider sy fräche Some z'verschloh —  
De wärsch nit ynedroht,  
Hättsch e Herrebiebli versohlt!
9. Mit „Safre'n“ und mit „Birsig“  
Goht Alles hinderfirsig!  
D'Maidli sin numme no do  
Fir „zwei“ z'korrigiere'n in „zwo“!
10. In Basel g'hert's zum guete Ton:  
Der Schwyzer kriegt e klaine Lohn;  
Fir Ain vo drausse ral,  
Do het me Gäld wie Hai!
11. Mit Frächhait in g'heriger Dosis  
Und mit em siebte Buech Mosis  
Findsch hie Dummi als Kundschaft no gnue:  
Was fliegt Alles der Grethere zue!
12. D'Basler Schuelsynode  
Erfindet neii Mode:  
Me schrybt in Zuekunft bloss  
No „Ferie“n und „Zapfe“ gross!
13. Die Tätel uff der Batterie  
Sin nimme, wie sie sotte sy:  
Ydätsch isch s'Nasebal,  
Und s'fähle diversi Stai!
14. Isch e Värs au mängmol giftig —  
Der Grund derzue isch triftig!  
Me nimmt's au nit e so g'nau,  
Iberhaupt — — — und Du mir au!